



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illvstrivm Virorum Poemata

Cesarini, Virginio

Antverpiae, 1662

Alexandro VII. ...

urn:nbn:de:hbz:466:1-7990

*Graiorum decora, & caras inuiset Athenas,
 Frigus & ad sacri ripam captabit Iliſſi.
 Tum mores hominum miteſcent, tum pecus omne
 Vnum Paſtorem, atque vnum cognoſcet ouile.
 At tu, SANCTE PARENS, hominũ celebrabere votis,
 Africa quã longẽ pluuium porrecta ſub Auſtrum
 Ambuſtum Oceani medijs caput inſerit undis,
 Quãq; Caledonijs Thule pulſata procellis
 Proſpiciſt ignotos curuo de litore fluctus.*

*Tale Mycon certare volentibus argumentum
 Tradidit, hanc rerum ſeriem: quam deinde ſecuti
 Tityrus & Lycidas, nemorum plaudente coronã,
 Plurima ſub ſacrã fuderunt carmina quercu,
 Quæ tacito ſecum meditari examine mentem
 Conuenit, vt meliũs referamus in ordine quicquid
 Tityrus & Lycidas ſacrã cecinere ſub umbrã.*

ALEXANDRO VII.
 PONT. OPT. MAX.
 RENVNCIATO.

VT ad vireta Pindi ab Vrbe Romulã
 Bono profecta Fama venit alite,
 Tenere ſceptra CHISIVM, nouem Deas
 Comam ferunt ligaffe fronde Delphicã,

Ebur-

Eburneoq̄ collo eburna barbitos
 Vt alligata, constitisse protinus,
 Vbi perennis vnda prata diuidit
 Odore leta graminum virentium.
 Ibi decenter implicasse mutuas
 Manus, pede impulisse & arua libero:
 Ibi increpante pectine aureas fides
 Diu negata condidisse carmina.

Dies beata ter quaterq̄, vatibus
 Canenda semper, & colenda gentibus,
 Vetusta secla que reducis aurea,
 Fidemq̄ cum sorore ab axe deuocas!
 Vides, redux vt Africis ab areis
 Latina iam reuisat arua Copia,
 Famemq̄ pellat Africas ad areas?
 Vt alma Pax neces & arma submouens
 Graui cruenta bella compede alliget?
 Tuo, beata lux, fauente numine
 Loqui ecce rursus antra, rursus incipit
 Tegi erudita latiore frondium
 Honore silua, largiorq̄ Pegasi
 Sonante riuus exilire ab vngulâ.

Vbi hæc dedere dicta, nona Virginum
 Chorum iubet silere, & vna concinens
 Lyram maritat altiore carmine.